

# Vun driweriwer

---

erscheint auf [www.lenauheim.de](http://www.lenauheim.de)

monatliche  
Erscheinung

August 2023

von *Helen Alba*

## **Banater Schwowe uf der „Theaterbühne“ Auszüge aus „Meister Jakob und seine Kinder“**

Seit jeher war es bei uns Schwowe schun Brauch, Theatersticker in Mundart uf die Biehne zu bringe. Des meischtens in der Faschingszeit oder zu Silvester, weil unser Leit jo im Winter Zeit ghat han for prowe.

Dass der Brauch wieder ufkumm is, des is beherzti Schwoweleit zu verdanke. Sie han Anfang Juni 2023, anlässlich der Heimattage der Banater Deitsche in Temeschwar un em 100. Todesjohr vun Adam Müller Guttenbrunn in Temeschwar es Mundarttheater „Meister Jakob und seine Kinder“ (Auszüge) nach Hans Kehrer, noh em gleichnamiche Roman vun Adam Müller Guttenbrunn deni zahlreichi Zuschauer vun jiwe un driwe vorgfiehrt. Un des gekennt, muss ich derzu fiege

Die Rolle ware so verteelt, dass jeds zu jedem gepasst hat. Ich will, zwar spot awer doch, alli beglickwinsche, die gspielt (Manuel Nenadov/Meister Jakob Weidmann, Astrid Kataro/ Eva Weidmann, Michael Ferencz-Gross/Hans Weidmann, Martina Nenadov/Susi Weidmann, Anneliese Mocanu/Fraala, Hansi Müller/Kaschper Luckhaup, Alex Dohinca/Chrischtoph Luckhaup, Daniela Malanciuc/Bäsl Lissi), inschtruiert (Karina Reitsch-Capraru) oder organisiert han (Edith Singer, Dagmar Siclovan). Die Momente bleiwe uns alli noch lang in Erinnerung, ich denk, sogar unvergesslich.

Ich han miterlebt, wie des Theaterstück im Johr 2005 erschtmals uf der Temeschwarer AMG Haus Biehne ufgfiehrt gin is. Un ach es zweite Mol 2013, zum 90. Todesjohr vum Adam Müller Guttenbrunn. Es war jedes Mol e stolzes un gutes Gfiehl. Doch jetzer, im Juni, sin mer die Träne gerunn. For was wohl? Weil ich inzwischen älter gin sin? Oder weil ich die "Susi", jetz 19 Johr alt, schun vor 15 Johr in der Bogaroscher Kerweitracht uf die Biehne gstellt un dran gewehnt han? Vielleicht ach weil ich alli, die derbei ware, gut kenne tun un wees, dass se mit Leib un Seel Schwowe sin un des ach bleiwe were?